

LENGHIS MINORITARIIS A SCUELE CUN RUSH

**un Meeting Transnazionâl al à unidis Italie,
Spagne e Cravuzie.**

Si è davuelt di resint a Cividât il Meeting Transnazionâl dai arlêfs e la formazion comune dai docents di Italie, Spagne e Cravuzie, i trê Stâts includûts in "RUSH - Re and Up Skilling Horizons". Si trate di un progjet trienâl Erasmus+ KA2 finanziât de Ue cul obietîf primari di aprofondî e di disvilupâ lis competencis di meti in vore de bande dal insegnant plurilenghâl cul ûs di lenghis comunitariis, includudis chês minoritariis.

Coordenadôrs di Rush a son il Convit Nazionâl Paolo Diacono di Cividât, il Comun di Cividât e la ARLeF, che a lôr si son zontâts pe Galizie (Spagne) l'Ent regjon e dôs scuclis, pe Cravuzie la Union des minorancis e la scuele di Rovigno. Un totâl di vot partners tra ents istituzionâi e Scuclis primariis e secundariis di prin grât.



Al Meeting si à lavorât su trê sessions paralelis, in relacion ai profii professionâi e ai rûi di ognidun tal progjet.

Il Grup di Regjie, formât dai responsabii di ducj i vot subiets partners, al à programât la evoluzion des dôs oparis che a saran fatis intai trê agns di disvilup dal progjet: une Linie Vuide pal docent plurilenghâl voltade in 6 lenghis (inglêf, talian, spagnûl, cravuat, furlan e galizian), e un Centri Risorsis european dulà che si darà acet a ducj i materiâi pal insegnament plurilenghâl che a vignaran produsûts dai docents.

I docents des trê Regjons coinvoltis (furlane, galiziane e istriane) a àn partecipât ae formazion transnazionâl prime cu la presince di esperts che ur àn furnît i stimuli par rifletî, e dopo cu la progjetazion comune dal fonts integradôr che al definìs la macroaree dulà che si fasaran i modui formatifs originâi interdissiplinârs daûr des competencis clâf europeanis, doprant lis lenghis furlane, taliane, galiziane, spagnole, cravuate, istro-venite e inglese.

Infin, i arlêfs des trê regjons europeanis di 9 e 12 agns a àn formât lis primis classis transnazionâls inte scuele primarie (classe 4a e 4b) e inte scuele secundarie di prin grât (classe 2a e 2b), cun frecuence integrate plurilenghâl par une setemane. A son stâts ospitâts tes fameis e a àn lavorât in classe doprant lis lenghis dal progjet; a son stâts fats aprofondiments culturâi e linguistics cu la scuvierte dai teritoris e ativitâts di orienteering culturâl. Lis ativitâts davueltis des classis a àn dât rispuestis e risultâts une vore positifs. Il prossim apontament al sarà in Galizie, a Santiago de Compostela, dai 6 ai 9 di Mai dal 2019.